

Na osnovu člana 29. Zakona o izvršenju Budžeta Tuzlanskog kantona za 2009. godinu ("Službene novine Tuzlanskog kantona", broj: 4/09), a u vezi sa članom 3. Odluke o utvrđivanju uslova, kriterija i postupka za izbor i sufinansiranje programa i projekata udruženja iz Budžeta Tuzlanskog kantona za 2009. godinu, broj: 02/1-14-18947/09 od 29.10. 2009. godine, Vlada Tuzlanskog kantona u ime Ministarstva obrazovanja, nauke, kulture i sporta; Ministarstva za rad i socijalnu politiku; Ministarstva prostornog uređenja i zaštite okolice; Ministarstva za obnovu, razvoj i povratak; Ministarstva poljoprivrede, šumarstva i vodoprivrede i Ministarstva trgovine, turizma i saobraćaja Tuzlanskog kantona raspisuje,

## **JAVNI POZIV**

### **za predlaganje programa i projekata udruženja za sufinansiranje iz Budžeta Tuzlanskog kantona za 2009. godinu u iznosu od 256.610,00 KM**

#### **(Pravo učešća)**

Pravo učešća imaju udruženja koja su registrovana u Ministarstvu pravosuđa i uprave Tuzlanskog kantona, kao i udruženja koja su registrovana u skladu sa zakonom na entitetskom ili državnom nivou, a koja imaju sjedište, djeluju, rade i implementiraju projekte na području Tuzlanskog kantona.

#### **(Transparentnost postupka)**

Javni poziv se objavljuje u dnevnim novinama "SAN", RTV TK i na zvaničnoj Web stranici Vlade Tuzlanskog kantona ([www.vladatk.kim.ba](http://www.vladatk.kim.ba)).

#### **(Preferencijalni kriterij)**

Sredstva iz Budžeta Tuzlanskog kantona prvenstveno se raspodjeljuju udruženjima čiji se programi i projekti odnose na:

1. zaštitu i promociju ljudskih prava i prava djeteta,
2. aktivnosti i podršku mladima,
3. smanjenje nezaposlenosti, socijalnu zaštitu, zaštitu civilnih žrtava rata i zaštitu porodice sa djecom,
4. promociju volonterskog i humanitarnog rada i lokalnih građanskih inicijativa,
5. izvaninstitucionalno obrazovanje – prekvalifikacije, doškolovavanje, te razvoj socijalnog poduzetništva,
6. demokratizaciju i razvoj civilnog društva,
7. unapređenje kvaliteta življenja, zaštite i očuvanje zdravlja i životne sredine,
8. zaštitu i očuvanje kulturne baštine naroda i nacionalnih manjina u BiH i promociju njihovih kulturnih djelatnosti,
9. promociju javnih potreba tehničke kulture,
10. izdavačku djelatnost udruženja (izdavanje publikacija).

#### **(Isključivi kriterij)**

Prilikom procjene neće se razmatrati programi i projekti koji:

- su usmjereni ka vjerskim ciljevima i aktivnostima,
- se isključivo baziraju na investicijskim ulaganjima, izgradnji i adaptaciji objekata, kupovini opreme,
- se isključivo odnose na jednokratne manifestacije,
- imaju administrativne troškove na projektu veće od 30% troškova ukupnog budžeta projekta.

### **(Na in prijave)**

Udruženje podnosi prijavu na javni poziv tako što popunjava Prijavni obrazac koji se može preuzeti sa Web stranice Vlade Tuzlanskog kantona ([www.vladatk.kim.ba](http://www.vladatk.kim.ba)) ili u pisarnici zajedničkih službi kantonalnih organa.

Prijavni obrazac se podnosi u zape a enoj koverti, a predaje putem pošte ili na pisarnicu zajedničkih službi kantonalnih organa.

### **(Potrebna dokumentacija)**

Uz ispunjen Prijavni obrazac udruženje obavezno prilaže:

- Rješenje o upisu u Registar udruženja kod Ministarstva pravosuđa i uprave Tuzlanskog kantona ili drugog nadležnog organa u Federaciji Bosne i Hercegovine ili Bosni ili Hercegovini [sjedište udruženja na Rješenju je sa područja Tuzlanskog kantona] (original ili ovjerena kopija)
- Uvjerenje o poreznoj registraciji (original ili ovjerena kopija)
- Spesimen potpisa (Karton deponovanih potpisa) iz banke osoba odgovornih za finansije u udruženju ili kopiju ugovora s bankom o otvaranju transakcijskog računa [ugovor sadrži ID broj udruženja i imena ovlaštenih osoba] (original ili ovjerena kopija)

Prijave udruženja na javni poziv koje ne bude dostavljene u skladu sa traženom dokumentacijom neće biti razmatrane.

Prijave udruženja na javni poziv, korisnika sredstava iz 2008. godine sa pozicije "Organizacije i udruženja TK" koji nisu dostavili odgovarajući izvještaj o utrošku sredstava u skladu sa potpisanim ugovorom, neće biti razmatrane.

### **(Maksimalni iznos sredstava)**

Maksimalni iznos koji se udruženju može odobriti po raspisanom javnom pozivu je 5.000,00 KM.

### **(Bodovni kriteriji)**

Ministarstvo obrazovanja, nauke, kulture i sporta sačinjava prijedlog programa raspodjele sredstava cijene i slijedeće kriterije:

1. značaj i ulogu manifestacije, na koju se odnosi program,
2. doprinos afirmaciji stvaralaštva u konkretnoj oblasti obrazovanja, nauke, umjetnosti, kulture i sporta,
3. brojnost aktera manifestacije, naročito uključenost mladih,
4. precizno definisana ciljna grupa, osobito omladinskog uzrasta, kojoj je program namijenjen,
5. partnerski i odnos saradnje ili saorganizovanja sa drugim akterima (ne samo sa područja Kantona) iz konkretne oblasti obrazovanja, nauke, umjetnosti, kulture i sporta,
6. promociji dostignuća Kantona u oblasti obrazovanja, nauke, umjetnosti, kulture i sporta, naročito na dobrovoljnoj i osnovi amaterizma.

Ministarstvo za rad i socijalnu politiku sačinjava prijedlog programa raspodjele sredstava cijene i slijedeće kriterije:

1. kvalitet dostavljenog projekta i efekti koji se očekuju,
2. unapređenje socijalne zaštite, zaštite civilnih žrtava rata i zaštite porodice sa djecom,
3. obuhvaćenost projektom najugroženijih kategorija stanovništva,

4. saradnja i partnerstvo sa institucijama socijalne zaštite,
5. broj korisnika koji će biti obuhvaćen projektom,
6. ostvareni rezultati u proteklom periodu

Ministarstvo za obnovu, razvoj i povratak sa injava prijedlog programa raspodjele sredstava cijene i slijedeće kriterije:

1. broj korisnika projekta,
2. projekat daje podsticaj mladima za biznis (povratak),
3. finansiranje projekta iz drugih izvora,
4. angažovanost na projektu obrazovnih ili drugih institucija,
5. podstiče uključivanje socijalno ugroženih kategorija stanovništva,
6. edukativne, konsultantske i informativne servise čiji je cilj promocija poduzetništva (povratka) i zapošljavanja,
7. izvaninstitucionalno obrazovanje – prekvalifikacija i dokvalifikacija, u cilju razvoja poduzetništva i smanjenja nezaposlenosti,
8. stepen završenosti projekta (projekat u implementaciji)

Ministarstvo prostornog uređenja i zaštite okolice sa injava prijedlog programa raspodjele sredstava cijene i slijedeće kriterije:

1. ciljevi projekta su specifični, dostižni, mjerljivi, realistični i vremenski određeni,
2. inovativni aspekt projekta,
3. projekt uključuje i angažira više i broj volontera,
4. jasno definirane ciljne grupe,
5. očekivani rezultati projekta su izraženi kroz kvalitativne indikatore,
6. partnerski odnos sa drugom nevladinom organizacijom ili institucijom iz javnog sektora u realiziranju projekta,
7. samoodrživost projekta,

Sredstva su namijenjena za programe i projekte iz zaštite okolice koji se odnose na:

- akcije išćenja, uređenja, pošumljavanja, ozeljenjavanja i slično,
- akcije koje promoviraju odgovoran odnos prema prirodi,
- akcije s ciljem jačanja ekološke kulture građana,
- akcije u funkciji zaštite biljnih i životinjskih vrsta,
- akcije koje podstiču kvalitetan odnos prema otpadu,
- druge akcije usmjerene na unapređenje stanja okolice

Ministarstvo poljoprivrede, šumarstva i vodoprivrede sa injava prijedlog programa raspodjele sredstava cijene i slijedeće kriterije:

1. broj poljoprivrednih proizvođača obuhvaćenih projektom
2. efekti implementacije projekta
3. vlastito učestvo u implementaciji projekta

Ministarstvo trgovine, turizma i saobraćaja sa injava prijedlog programa raspodjele sredstava cijene i slijedeće kriterije:

1. kvalitetna priprema i obrada projekta, jasno definisan sadržaj koji je u skladu sa ciljem vrednovanja prirodne baštine, etnonaslijeđa, jezerskog, lovnog i ribolovnog turizma,
2. procjena pozitivnog uticaja povećanja turističkog kretanja na području Tuzlanskog kantona,
3. učestvo podnositelja prijave u finansiranju projekata iz vlastitih ili drugih izvora,

4. ocjena originalnosti projekta u smislu proširenja turističke ponude Tuzlanskog kantona.

Prilikom ocjene projekata svaki kriterij pojedinačno će biti razmatran i vrednovan.

**(Ugovor o sufinansiranju)**

Nakon donošenja Programa raspodjele sredstava resorni ministar zaključuje ugovor sa udruženjima o sufinansiranju programa/projekta, kojim će se regulisati međusobna prava, obaveze i odgovornosti.

Udruženja kao korisnici sredstava imaju obavezu da resornom ministarstvu dostave narativni i finansijski izvještaj o realizaciji Programa/projekta najkasnije do 31.01.2010. godine.

POPUNJENI PRIJAVNI OBRAZAC SA SVIM PRILOZIMA  
PODNOSE SE U ZAPLENJENOM KOVERTI I PREDAJE PUTEV POŠTE ILI NA  
PISARNICU ZAJEDNIČKIH SLUŽBI KANTONALNIH ORGANA NA ADRESI:

**TUZLANSKI KANTON**

MINISTARSTVO \_\_\_\_\_

Slatina br. 2  
75 000 Tuzla

[sa naznakom]

"Prijava na Javni poziv za predlaganje programa i projekata udruženja za sufinansiranje iz Budžeta Tuzlanskog kantona za 2009. godinu u iznosu od 256.610,00 KM"

KRAJNI ROK ZA PODNOŠENJE PRIJAVA JE 8 DANA  
OD DANA OBJAVLJIVANJA U DNEVNIM NOVINAMA

OBAVEZNA JE NAZNAKA MINISTARSTVA KOJEM SE PODNOŠI PRIJAVA

NEPOTPUNE ILI NEBLAGOVREMENE PRIJAVE NEĆE SE UZIMATI U RAZMATRANJE